

KANTON SARAJEVO

Skupština Kantona Sarajevo

Na osnovu čl. 12. stav 1. tačka c) i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01), Skupština Kantona Sarajevo, na sjednici od 13. marta 2001. godine, donijela je

ZAKON

O FILMSKOJ DJELATNOSTI

I - OSNOVNE ODREDBE

Član 1.

Filmska djelatnost, u smislu ovog zakona, obuhvata proizvodnju, promet, javno prikazivanje filma i čuvanje filma, filmskog materijala i filmske građe na teritoriji Kantona Sarajevo (u daljem tekstu: Kanton).

Član 2.

Film, u smislu ovog zakona, je stvaralačko kinematografsko djelo, slijed slika u pokretu, zabilježen na filmskoj traci, magnetnoj traci, CD-ROM-u, DVD-ROM-u ili putem drugog odgovarajućeg tehničkog sredstva reprodukcije.

Filmski materijal u smislu ovog zakona je: negativ filma, tonski zapis bez slike (IT ton), montirani (pasovani) original negativ, dubl negativ za trikove i plicu, ton negativ, tonska kopija filma, tonska traka (soundtrack), montirani master magnetnog ili digitalnog zapisa i drugi filmski materijal.

Filmska građa u smislu ovog zakona je: završna verzija scenarija, knjiga snimanja, scenografske i kostimografske skice, muzička partitura, set fotosa i plakat i druga filmska građa.

Član 3.

Odredbe ovog zakona ne primjenjuju se na filmove:

namijenjene za nastavnu i naučnoistraživačku djelatnost;

namijenjene za informativnu i propagandnu djelatnost;

koje snimaju preduzeća, vjerske zajednice i druga pravna lica za svoje potrebe;

koji služe potrebama odbrane i

koje snimaju građani za svoje potrebe.

Odredbe ovog zakona odgovarajuće se primjenjuju na televizijske filmove.

II - PROIZVODNJA FILMA

Član 4.

Proizvodnja filma obuhvata: izradu scenarijske građe i pisanje scenarija, predpripremu, pripremu za snimanje, snimanje i obradu filma, laboratorijsku obradu i postprodukciju filma.

Član 5.

Film proizvodi producent.

Domaći producent je pravno lice i samostalni privrednik registrovan za proizvodnju filma.

Producent pokreće proizvodnju filma za koju obezbjeđuje finansijska sredstva, tehnička sredstva, umjetnički, stručni i tehnički kadar i druge uslove potrebne za proizvodnju.

Član 6.

Domaći producent može proizvoditi film i u saradnji sa inostranim producentom.

Domaći producent može angažovati i dio inostranog umjetničkog i tehničkog kadra, najviše u procentu učesnika inostranog producenta.

Ograničenje iz prethodnog stava se neće primjenjivati, ukoliko domaći producent film finansira isključivo svojim sredstvima.

Član 7.

Domaćim filmom smatra se film koji su proizveli jedan ili više domaćih producenata uz prethodno učešće domaćih filmskih umjetnika i filmskih saradnika.

Domaćim filmom smatra se i film proizveden u koprodukciji sa inostranim producentom na jednom od službenih jezika Bosne i Hercegovine.

Član 8.

Inostranim filmom smatra se film koji inostrani producent snimi na teritoriji Kantona, kao i film proizveden u saradnji sa domaćim producentom koji se ne smatra domaćim filmom.

Član 9.

Inostrani producent može snimati film na teritoriji Kantona Sarajevo ako prethodno pribavi odobrenje kantonalnog ministarstva nadležnog za poslove kulture (u daljem tekstu: Ministarstvo).

Odobrenje je potrebno za snimanje u eksterijeru.

Odobrenje se izdaje na osnovu zahtjeva inostranog producen- ta ili domaćeg koproducenta.

Zahtjev obavezno sadrži mjesto i vrijeme snimanja eksterijera filma i scenario filma na jednom od službenih jezika u Federaciji Bosne i Hercegovine sa označenim dijelovima teksta prema kojim se na teritoriji Kantona snimaju filmske sekvence.

Član 10.

Ako se inostrani producent ne pridržava odobrenja za snimanje filma, Ministarstvo može oduzeti dato odobrenje i zabraniti dalje snimanje filma.

Ministarstvo je dužno da o preduzetim mjerama iz prethodnog stava obavijesti Ministarstvo unutrašnjih poslova Kantona.

Ministarstvo unutrašnjih poslova može oduzeti filmski materijal snimljen bez odobrenja ili protivno izdatom odobrenju do okončanja prekrajnog postupka.

III - FINANSIRANJE FILMSKE PROIZVODNJE

Član 11.

Producent obezbjeđuje sredstva za snimanje filma iz slijedećih izvora:

iz vlastitih sredstava;

poslovnih aranžmana sa domaćim i stranim koproducentima;

donacija;

ugovora o sponzorstvu;

fondacija;

i iz drugih izvora.

Dio sredstva za filmsku produkciju može se obezbijediti u Budžetu Kantona.

IV - PROMET FILMA

Član 12.

Promet filma obuhvata otkup, iznajmljivanje, distribuciju i izvoz domaćeg filma, uvoz i distribuciju inostranog filma, presnimavanje, umnožavanje, iznajmljivanje i javno prikazivanje filma.

Član 13.

Promet filma vrši distributer.

Distributer je pravno lice i samostalni privrednik registrovan za distribuciju filmova.

Član 14.

Distributer može vršiti presnimavanje domaćeg i inostranog filma na bilo koje tehničko sredstvo reprodukcije iz člana 2. stav 1. ovog zakona, njegovo umnožavanje, iznajmljivanje i javno prikazivanje, pod uslovom da je prava na to stekao putem ugovora sa nosiocem licencnih prava.

Na svakom primjerku filma, distributer je dužan da naznači broj i datum ugovora kojim je stekao prava iz prethodnog stava, kao i broj umnoženih primjeraka.

V - JAVNO PRIKAZIVANJE FILMA

Član 15.

Javno prikazivanje filma na teritoriji Kantona obuhvata prikazivanje filma u stalnim bioskopima, drugim javnim zatvorenim i otvorenim prostorima i na televiziji.

Član 16.

Javno prikazivanje filma u stalnim bioskopima i drugim javnim prostorima može vršiti pravno lice ili samostalni privrednik registrovan za djelatnost prikazivanja filmova, ako obezbijedi građevinske, tehničke i higijenske uslove za javno prikazivanje filma.

Odredbе ovog člana ne odnose se na javne prostore u naseljima i mjestima gdje nema stalnih bioskopa.

Član 17.

Javno prikazivanje filma na televiziji može se vršiti isključivo na osnovu ugovora sa vlasnikom licencnih prava.

Član 18.

Za javno prikazivanje domaćeg filma odobrenje daje domaći producent koji je proizveo taj film.

Za javno prikazivanje inostranog filma odobrenje daje distributer koji je uvezao taj film.

Domaći producent i distributer iz ovog člana odgovorni su za izdato odobrenje.

Član 19.

Distributer odnosno prikazivač filma, obavezan je na svim promotivnim materijalima filma istaći zabranu gledanja filma djeci ispod 18 godina, ako film sadrži pornografiju ili može nanijeti štetu zdravlju, mentalnom ili fizičkom razvoju maloljetnih osoba.

Prikazivač filma obavezan je da preduzme odgovarajuće mjere da se djeci ispod 18 godina onemogući gledanje filma iz prethodnog stava.

Televizija je dužna da prije i tokom prikazivanja filma na način određen članom 61. stav 5. Zakona o medijima ("Službene novine Kantona Sarajevo", broj 13/98) istakne upozorenje da se radi o filmu koji svojim sadržajem može nanijeti štetu zdravlju, mentalnom ili fizičkom razvoju maloljetnih osoba.

Odluku o nepodobnosti filma za određeni uzrast donosi producent domaćeg filma, uvoznik inostranog filma za inostrani film i televizija prema svojim kriterijima.

VI - ČUVANJE FILMA I FILMSKOG MATERIJALA

Član 20.

Film, filmsku građu i filmski materijal iz člana 2. ovog zakona producent je obavezan čuvati na odgovarajući način.

Pod čuvanjem filma, filmske građe i filmskog materijala podrazumijeva se i njegovo korišćenje na način koji mu ne nanosi štetu.

Producent je obavezan Kinoteci Bosne i Hercegovine za njen arhiv dostaviti podatke o proizvedenom filmu i mjerama preduzetim za njegovo čuvanje u roku od tri mjeseca od dana završetka proizvodnje filma.

Član 21.

Filmski materijal i filmska građa od istorijskog, umjetničkog, kulturnog i naučnog značaja čuvaju se u arhivi Kinoteke Bosne i Hercegovine.

Producent može dio ili kompletne filmske materijale i filmsku građu iz prethodnog stava ustupiti na čuvanje Kinoteci

Bosne i Hercegovine na osnovu međusobnog ugovora.

Ukoliko Producent prestaje sa radom, obavezan je filmske materijale i filmsku građu predati Kinoteci Bosne i Hercegovine, koja preuzima odgovornost za njihovo dalje čuvanje.

Član 22.

Producent je obavezan prodati pozitiv tonsku kopiju filma Kinoteci BiH po stvarnoj cijeni ko□tanja izrade kopije u roku od jedne godine nakon prve javne projekcije.

Član 23.

Distributer domaćeg i inostranog filma, obavezan je da odmah, po isteku licence filma, preda Kinoteci BiH najmanje o□tećenu distributivnu kopiju filma.

VII - OSTALE FILMSKE DJELATNOSTI

Član 24.

Pod ostalim filmskim djelatnostima u smislu ovog zakona podrazumijevaju se djelatnosti koje su u direktnoj vezi sa proizvodnjom filma i □irenjem filmske kulture, a koje obavljaju: udru□enja filmskih radnika, producenata, distributera i prikazivača organizovanih za područje Kantona, filmska publicistika, filmski festivali, smotre i manifestacije kao i druge djelatnosti u oblasti filma.

Član 25.

Sredstva za osnivanje i rad udru□enja građana, privrednih dru□tava, ustanova, zadruga i drugih subjekata koji obavljaju ostale filmske djelatnosti obezbjeđuju udru□eni članovi, odnosno osnivač, izdavač, organizator manifestacije, a mogu se obez- bjeđivati i iz drugih izvora utvrđenih zakonom.

VIII - NADZOR

Član 26.

Nadzor nad provođenjem odredbi ovog zakona vr□i Ministarstvo.

IX - KAZNENE ODREDBE

Član 27.

Novčanom kaznom od 1.000,00 do 10.000,00 KM kaznit će se za prekr□aj:

inostrani producent koji bez odobrenja započne snimanje filma ili snimi film na teritoriji Kantona Sarajevo i domaći koproducent koji bez saglasnosti započne snimanje eksterijera u filmu, u saradnji sa inostranim producentom ili snimi eksterijer u filmu za njegove potrebe (član 9.);

inostrani producent ako se ne pridr□ava odobrenja za snimanje filma (član 10.).

Za prekr□aj iz prethodnog stava kaznit će se i odgovorno lice inostranog i domaćeg koproducenta novčanom kaznom od 200,00 do 2.000,00 KM.

Član 28.

Novčanom kaznom od 1.000,00 do 10.000,00 KM kaznit će se za prekr□aj distributer:

koji bez ugovora sa nosiocem licencnih prava, vrši presnimavanje domaćeg i inostranog filma, njegovo umnožavanje, iznajmljivanje i javno prikazivanje (član 14. stav 1.);

koji ne naznači na svakom primjerku filma broj i datum ugovora i broj umnoženih primjeraka (član 14. stav 2.).

Za prekršaj iz st. 1. i 2. ovog člana, kaznit će se i odgovorno lice distributera novčanom kaznom od 200,00 do 2.000,00 KM.

Svi primjerci presnimljenog filma i imovinska korist ostvarena ovim prekršajem, oduzet će se u skladu sa odredbama kantonalnog zakona kojim se uređuju prekršaji.

Član 29.

Novčanom kaznom od 500,00 do 5.000,00 KM kaznit će se za prekršaj privredno društvo, ustanova, zadruga i udruženje građana, ako javno prikaže film u stalnom bioskopu, javnoj prostoriji i na javnom mjestu koji ne ispunjavaju uslove za javno prikazivanje iz člana 16. stav 1. ovog zakona.

Za prekršaj iz prethodnog stava kaznit će se i odgovorno lice u privrednom društvu, ustanovi, zadruzi i udruženju građana novčanom kaznom od 100,00 do 1.000,00 KM.

Za prekršaj iz stava 1. ovog člana kaznit će se samostalni privrednik novčanom kaznom od 500,00 do 5.000,00 KM.

Član 30.

Novčanom kaznom od 500,00 do 5.000,00 KM kaznit će se za prekršaj televizija, ako javno prikaže film bez ugovora sa vlasnikom licencnih prava iz člana 17. ovog zakona.

Za prekršaj iz prethodnog stava, kaznit će se i odgovorno lice u televiziji, novčanom kaznom od 100,00 do 1.000,00 KM.

Član 31.

Novčanom kaznom od 500,00 do 5.000,00 KM kaznit će se za prekršaj privredno društvo, ustanova, zadruga i udruženje građana, ako prikaže domaći ili inostrani film, koji nije odobren za javno prikazivanje (član 18.).

Za prekršaj iz prethodnog stava kaznit će se i odgovorno lice u privrednom društvu, ustanovi, zadruzi i udruženju građana novčanom kaznom od 100,00 do 1.000,00 KM.

Za prekršaj iz stava 1. ovog člana kaznit će se samostalni privrednik novčanom kaznom od 500,00 do 5.000,00 KM.

Imovinska korist ostvarena prekršajem iz stava 1. ovog člana oduzet će se u skladu sa zakonom o prekršajima.

Član 32.

Novčanom kaznom od 500,00 do 5.000,00 KM kaznit će se za prekršaj distributer, ako na promotivnom materijalu ne istakne upozorenje o zabrani gledanja filma djeci ispod 18 godina, ako film sarži pornografiju ili može nanijeti štetu zdravlju, mentalnom ili fizičkom razvoju maloljetnih osoba, kao i privredno društvo, ustanova, zadruga i udruženje građana ako omogući gledanje filma tim gledaocima (član 19. st. 1. i 2.).

Novčanom kaznom od 500,00 do 5.000,00 KM kaznit će se i televizija, ako javno prikaže film na televiziji suprotno članu 19. stav 3. ovog zakona.

Za prekršaj iz prethodnog stava kaznit će se i odgovorno lice distributera, privrednog društva, ustanove, zadruge, udruženja građana, novčanom kaznom od 100,00 do 1.000,00 KM.

Za prekršaj iz stava 1. ovog člana kaznit će se samostalni privrednik novčanom kaznom od 500,00 do 5.000,00 KM.

Član 33.

Novčanom kaznom od 500,00 do 5.000,00 KM kaznit će se za prekršaj producent, ako Kinoteci Bosne i Hercegovine za njen arhiv odbije prodati distributivnu kopiju filma u slučaju iz člana 22. ovog zakona.

Novčanom kaznom od 500,00 do 5.000,00 KM kaznit će se za prekršaj distributer koji po isteku licence filma ne preda Kinoteci Bosne i Hercegovine najmanje oštećenu kopiju svakog uvezenog filma (član 23.).

Za prekršaj iz prethodnog stava kaznit će se i odgovorno lice producenta i distributera novčanom kaznom od 100,00 do 1.000,00 KM.

Za prekršaj iz stava 1. ovog člana kaznit će se samostalni privrednik novčanom kaznom od 500,00 do 5.000,00 KM.

X - PRELAZNE I ZAVRŠNE ODREDBE

Član 34.

Danom stupanja na snagu ovog zakona na teritoriji Kantona Sarajevo, prestaje sa primjenom Zakon o filmskoj djelatnosti ("Službeni list SRBiH", broj 20/90 i "Službeni list RBiH", br. 3/93 i 13/94).

Član 35.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-93/01 13. marta 2001. godine Sarajevo

Predsjedavajući Skupštine Kantona Sarajevo Miro Lazović, s. r.